

STATUTU COMUNALI

Aprovau cun deliberatzioni de su cunsillu comunali Nu 26 de su 14.06.2001;

TITULU PRIMU DISPOSITZIONIS GENERALIS

Art. 1

Autonomia de su Comune

1. Su Comune de Barumini est unu enti locali autònomu, rapresentat sa comunidadi sua, chi si governat a sola cun is poderis e is istitutus de custu statutu.
2. In su respetu de sa Costituzioni e de is prìncipius generalis de s'ordinamentu, su Comune benefiziat de s'autonomia sua po su svolgimentu de s'atividadi sua e su persighimentu de is iscopus istituzionalis susu.

Art. 2

Finalidadis (scopus)

1. Su Comune rapresentat s'unidadadi e sa solidariedadi de sa comunidadi e pentzat a sa collaboratzioni e a sa partecipazioni de totu is citadinus, a s'organizazioni de sa vida sociali, polìtiga e econòmica de sa Comunidadi e de su territòriu.
2. Su Comune promòvit su sviluppu e su progressu civili de sa comunidadi sua cun su scopu de favoressi su respetu de sa persona e su sodisfacimentu de is bisòngius po elimai is schilìbrius socioeconòmicus de sa comunidadi.
3. Promòvit su sviluppu de sa cultura e de sa formazioni tècnica e professionali de is citadinus, sa promotzioni de sa funtzioni sociali de s'iniziativa econòmica, publica e privada e tutela de su patrimoniu, puru po mezu de su sviluppu de formas de associatzionismu econòmicu e de cooperazioni.
4. Su Comune favorèssit e promòvit sa formazioni de organizazioni chentza scopu de lucru, finalidadis umanitarias, scientificas, culturalis, religiosas, de promotzioni sociali e civili, de salvaguardia de s'ambienti naturali e de su patrimoniu culturali ed artisticu.
5. In s'ambitu de is cumpetènzias suas, su Comune si impegnat a eliminai is discriminazioni intru is duus sessus, determinendi puru cun specificas atzioni positivas, condizioni de paris oportunitadadi in su traballu e promovendi sa presentzia de todesuus is sessus in is òrganus collegialis de su Comune, e puru de is atrus entis, aziendas ed istituzionis chi dipendint de issu e iniziative po acunsentiri a sa fèmina de benefiziare de is diritus de citadinantzia sociali.
6. Tutelat is valoris etnicus de sa popolazioni, su patrimoniu ambientali, paesagisticu, istòricu, archeològicu ed artisticu chi rapresentanta s'identidadi culturali de Barumini. Sighiri duncas totu is iniziative po valorizai su sviluppu econòmicu in is campus turisticus, artigianali e cumerciali. In su territòriu de su Comune sa toponomastica in lingua sarda est paragonada a cussa in lingua italiana.

7. In s'atividadi de su Comunu si donat meda importàntzia a sa lingua sarda, in ui si identificat sa popolazioni de Barumini cun dignidadi sociali ugualis po totus prèvidia po sa lingua italiana. In su Cunsillu Comunali, in is reunionis de sa Giunta o de Comissioni est garantidu su liberu impreu de sa lingua sarda. Is citadinus funt liberus de si serbiri de sa lingua sarda in is raportus cun s'Aministratzioni Comunali e cun is istituzionis comunalis.
8. S'impreu de sa lingua sarda in is iscritus depit essi sempri acumpangiau de su testu iscritu in lingua italiana, cumentu lingua ufficiali de sa Repùblica.
9. Atuat in sa propria atzioni amministrativa is principius de trasparèntzia, bonu andamentu e imparzialidadi, e puru de economicidadi e eficacidadi.
10. Organizat s'atividadi sua po garantiri sa partecipazioni de is citadinus, singulus e associas, a is sceltas politigas de sa comunidadi.
11. Donat a sa famiglia, chi reconnòscidi comenti sogetu sociali, sa possibilitadi de adempiri a is còmpitus previstus de s'ordinamentu giuridigu in su respetu de is paridadis tra is sessus.
12. Promòvit su sviluppu socio-econòmicu de totu su territòriu, siat garantendi s'integridadi sua e puru sa curreta utilizazioni po mezu de su patrimoniu comunali e fintzas valorizendi is carateristicas socialis, culturalis e produtivas.

Art. 3

Programatzioni e formas de cooperazioni

1. Su Comunu realizat is finalidadis suas cun su métodu e is strumentus de sa programatzioni.
2. Su Comunu cuncurit a sa determinazioni de is obietivus ca nci funt me in is programas de su Stadu, de sa Regioni e de sa Provìncia, benefizienti de s'aportu de is formazioni socialis, econòmicas, sindacalis e culturalis chi operant in su territòriu.
3. Is raportus cun is atrus Comunas, cun sa Provìncia e sa Regioni sighint is principius de collaborazioni, complementariedadi e sussidiariedadi, tra is diversus campus de autonomia.

Art. 4

Territòriu e sedi comunali

1. Su territòriu de su Comunu est mannu po Kmc.26,58 e confinat cun is comunus de Gesturi, Gergei, Biddanoa, Is Pratzas e Tuilli.
2. Su Palatzu Cìvicu, sedi comunali, est in Bia S'Anziana a su numeru dusu.
3. Is riunionis de is organus eletivus colegialis si faint in sa sedi comunali. Po particularis esigèntzias su Cunsillu si podit riuniri puru in logus diversus de sa sedi sua.

Art.5

Albu Pretòriu

1. Una pati de su Palatzu Cìvicu est destinau a "Albu Prètòriu" po sa publicazioni de is autus e avisus previstus de sa lei, de su statutu e de is regolamentus.
2. Sa publicazioni depit garantiri s'accessibidadi, s'integridadi e sa facilidadi de letura.
3. Su Segretàriu si ocupat de s'afissioni de is atus nomenaus in su primu coma benefizienti de unu missu comunali e, cun atestazioni de custu, ndi certificat sa publicazioni fata.

Art. 6

Stema e gonfaloni

1. Su Comunu me in is atus e in su sigillu s'identificat cun su nomini "Comunu de Barumini" e cun

su stema suu.

2. Me in is ceremonias e in atras ricùrentzias publicas, acumpangiau de su Sìndigu o de unu delegau su, si podit fai biri su gonfalone comunali in manera autorizada.

3. S'impreu e sa riprodutzioni deustus sìmبولus po scopus non istituzionalis funt vietaus, salvu cun autorizazioni de su Sìndigu.